

sat subtiliter punctato; piceo-nigrum, strictura apicali marginibusque omnibus, callis, vitta media basi et apice tenuiore, nec non vitta utrinque laterali obliqua postice abbreviata, flavo-testaceis. Scutellum transversim subtiliter strigosum. Hemielytra sublaevia, abdomen (σ) sat longe superantia, membrana iridescente. Tibiae spinulis crassitie tibiaram brevioribus. Tarsi articulo secundo margine inferioe eodem primi paullo sed distincte longiore, tertio secundo aequae longo.

11. *Lygus Simonyi* n. sp.

Oblongus, flavo-testaceus, hemielytris pube nitida subargentea vel pallide aurea vestitis; capite transverso, vertice tenuiter sat obsolete marginato, oculo circiter $\frac{1}{3}$ angustiore (σ) vel huic aequalato (φ), fronte maris sulco medio longitudinali instructo; oculis nigris, maris magnis; rostro apicem coxarum attingente; antennis articulo secundo apice nigro, ultimis fuscis, tertio saltem dimidio basali testaceo, etiam quarto ipsa basi pallido, secundo latitudine basali capitis circiter dimidio longiore et margini basali pronoti aequae longo (σ) vel hoc paullo brevior (φ), duobus ultimis simul sumtis secundo paullulum brevioribus, tertio secundo circiter $\frac{3}{7}$ brevior; pronoto dense subtiliter punctato; hemielytris obsolete dense punctulatis, margine exteriori corii concolore, corio fascia apicali interdum deficiente cuneoque angulo interiore fuscis, hoc apice piceo-nigro; membrana nigricante, areolis, macula transversa limbi exterioris ante medium arcuque discoidali venis parallela hyalinis, areolis duabus apice nigricantibus, venis pallide testaceis, brachiali medio late nigricante; pectore nigro-fusco, orificiis marginibusque acetabulorum pallide flaventibus; pedibus cum coxis pallide flaventibus, femoribus intermediis annulis angustis ante-apicalibus fusciscentibus, posticis plus quam dimidio apicali infuscatis, apice annulisque duobus magis minusve obsolete anteapicalibus pallidis; tibiis omnibus spinulis sat validis fuscis armatis, posticis basi interne fusciscentibus, tarsis articulo ultimo extremo apice fusco. Long. 4 mm.